

神農本草經讀卷三

閩吳航陳念祖修園甫著

男

元豹道彪古愚
元犀道照靈石

全校字

中品

乾薑。氣味辛溫。無毒。主胸滿。欬逆。上氣。溫中。
止血。出汗。逐風濕。痺。腸辟。下痢。生者尤良。

陳修園曰。乾薑氣溫。稟厥陰風木之氣。若
溫而不烈。則得沖和之氣。而屬土也。味辛

得陽明燥金之味。若辛而不偏。則金能生水而轉潤矣。故乾薑為臍寒之要藥也。胸中者。肺之分也。肺寒則金失下降之性。氣壅于胸中而滿也。滿則氣上。所以欬逆上氣之症生焉。其主之者。辛散溫行也。中者。土也。土虛則寒。而此能溫之。止血者。以陽虛陰必走。得煖則血自歸經也。出汗者。辛溫能發散也。逐風濕痺者。治寒邪之留于

筋骨也。治腸澼下痢者。除寒邪之陷于腸胃也。已上諸治。皆取其雄烈之用。如孟子所謂剛大浩然之氣。塞乎天地之間也。生則辛味渾全。故又申言曰。生者尤良。即金匱治肺痿。用甘草乾薑湯。自注炮用以肺虛不能驟受過辛之味。炮之使辛味稍減。亦一時之權宜。非若後世炮黑炮灰全失薑之本性也。葉天士亦謂炮黑入腎。何其

晒歟。

生薑氣味辛。微溫。無毒。久服去臭。氣通神明。
陳修園曰。凡藥氣溫。屬厥陰風。木火溫為熱。
屬少陰君火。微溫稟春初之木氣。則專入。
足少陽膽經也。味辛屬陽明燥金。大辛屬。
手太陰肺。手陽明大腸。微辛為上中之金。
則專入足陽明胃經也。仲景桂枝湯等。
生薑與大棗同用者。取其辛以和肺衛得。

棗之甘以養心營合之能兼調營衛也真
武湯茯苓桂枝湯用之者以辛能利肺氣
氣行則水利汗止肺為水之上源也大小
柴胡湯用之者以其為少陽本經之藥也
吳茱萸湯用之者以其安陽明之氣陽明
之氣以下行為順而嘔自止矣少陰之氣
上交于陽明中土而利亦止矣凡此之類
本經雖未明言而仲景于氣味中獨悟其

神妙也。久服去臭氣。通神明者。以臭氣為
濁。陰之氣。神明為陽。氣之靈。言其有扶陽
抑陰之效也。今人只知其散邪發汗而不
知其有匡正止汗之功。每于真武湯近效
白朮湯。輒疑生薑而晏去之。皆讀書死于
句下之過也。又病家每遇方中有生薑。則
曰。素有血疾。或曰。曾患眼赤。及喉痺等症。
不敢輕服。是亦自置死地也。又何怨哉。

葱白氣味辛平無毒。作湯治傷寒寒熱中風。面目浮腫能出汗。

陳修園曰。葱白辛平發汗。太陽為寒水之經。寒傷于表。則發熱惡寒。得葱白之發汗而解矣。風為陽邪。多傷于上。風勝則面目浮腫。得葱白之發汗而消矣。此猶人所易知也。至于仲景通脈四逆湯。面赤者加葱。非取其引陽氣以歸根乎。白通湯以之命。

名者。非取其葉下之白。領薑附以入腎宮。
急救自利無脈。命在頃刻乎。二方皆回陽
之神劑。回陽先在固脫。仲師豈反用發汗
之品。學者不參透此理。總屬誤人之庸醫。
當歸氣味苦溫無毒。主欬逆上氣。溫瘧寒熱。
洗洗在皮膚中。婦人漏中絕子。諸惡瘡瘍。金
瘡者。汁飲之。

參各家說當歸氣溫。稟木氣而入肝。味苦無毒。

得火味而入心。其主欬逆上氣者。心主血。肝藏血。血枯則肝木挾心火而刑金。當歸入肝養血。入心清火。所以主之也。肝為風。心為火。風火為陽。陽盛則為但熱不寒之溫瘧。而肺受風火之邪。肺氣怯不能為皮毛之主。故寒熱洗洗在皮膚中。當歸能令肝血足而風定。心血足而火息。則皮膚中之寒熱可除也。肝主藏血。補肝即所以止。

漏也。手少陰脈動甚。為有子。補心。則所以
種子也。瘡瘍皆屬心火。血足則心火息矣。
金瘡無不失血。血長則金瘡瘳矣。煮汁飲
之。四字別言。先聖大費苦心。謂中焦受氣
取汁。變化而赤。是謂血。當歸煮汁。滋中焦
之汁。與地黃作湯同義。可知時傳炒燥土
炒反潤。其自然之汁。大失經旨。

芩薊氣味辛溫無毒。主中風入腦。頭痼無痺。

筋攣緩急。金瘡婦人血閉無子。

陳修園曰。苦窮氣溫。稟春氣而入肝。味辛無毒。得金味而入肺。風為陽邪而傷于上。風氣通肝。肝經與督脈會于巔。傾而為病。苦窮辛溫而散邪。所以主之。血少不能熱。膚故生寒而為痺。血少不能養筋。故筋結而為攣。筋縱而為緩。筋縮而為急。苦窮辛溫而活血。所以主之。治金瘡者。以金瘡從

皮膚以傷肌肉。芩藺稟陽明金氣。能從肌肉而達皮膚也。婦人以血為主。血閉不通。則不生育。芩藺辛溫通經。而又能補血。所以治血閉無子也。

淫羊藿氣味辛寒。無毒。主陰痿絕傷。莖中痛。利小便。益氣力。強志。

羊脂拌炒

陳修園曰。淫羊藿氣寒。稟天冬水之氣。而入腎。味辛無毒。得地之金味。而入肺。金水

二藏之藥。細味經文。俱以補水藏為主。陰者。宗筋也。宗筋屬于肝木。木遇烈日而痿。一得氣寒之羊藿。即如得甘露而挺矣。絕傷者。絡脈絕而不續也。金匱云。絡脈者。陰精陽氣所往來也。羊藿氣寒味辛。具水天之氣。環轉運行而能續之也。莖王莖也。火鬱于中則痛熱者。清之以寒。鬱者散之以辛。所以主莖中痛也。小便主于膀胱。必假

三焦之氣化而出三焦之火盛則孤陽不
化而為溺短溺閉之症一得羊藿之氣寒
味辛金水相涵陰氣濡布陽得陰而化則
小便利矣肺主氣腎藏志孟夫子云夫志
氣之帥也潤肺之功歸于補腎其益氣力
強志之訓即可于孟夫子善養剛大之訓
悟之也第此理難與時醫道耳

葉天士云淫羊藿浸酒治偏風不遂水涸

腰痛

荊芥氣味辛溫無毒。主寒熱鼠瘻癰瘰生瘡。破積聚氣。下瘀血除濕疸。

荊芥氣溫稟木氣而入肝膽。味辛無毒。得金味而入肺。氣勝于味。以氣為主。故所主皆少陽相火厥陰風木之症。寒熱往來。鼠瘻癰瘰生瘡等症。廼少陽之為病也。荊芥辛溫。以發相火之氣。則病愈矣。飲食入

胃散精于肝。肝不散精。則氣滯而為積聚。
肝藏主血。血隨氣而運行。肝氣一滯。則血
亦滯而為瘀。廼厥陰之為病也。荆芥辛溫
以達肝木之氣。則病愈矣。其除濕疸者。以
疸成于濕。荆芥溫而兼辛。辛入肺而調水
道。水道通則濕疸除矣。今人炒黑則變為
燥氣。而不能達。失其辛味。而不能發。且謂
為產後常用之品。昧甚。

麻黃氣味苦溫無毒主中風傷寒頭痛溫瘧
發表出汗去邪熱氣止欬逆上氣除寒熱破
癥堅積聚

夫節根

陳修園曰麻黃氣溫稟春氣而入肝味苦
無毒得火味而入心心主汗肝主疎洩故
為發汗上藥其所主皆係無汗之症太陽
症中風傷寒頭痛發熱惡寒無汗而喘宜
麻黃以發汗但熱不寒名曰溫瘧熱甚無